



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

ք. Երևան, Խորենացու 7

< 28 > հուլիսի 2016թ.

Ո Ր Ո Շ ՈՒ Մ No. 1454 /02

**Հարկ վճարողից ժամանակին չվճարված հարկային պարտավորությունների
գծով վճարման ենթակա գումարը գանձելու մասին**

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա.Մնացականյանս քննարկելով քաղաքացի Ալլա Զաքարյանի վերաբերյալ վարչական վարույթի նյութերը.

Պ Ա Ր Զ Ե Ց Ի

Համաձայն ՀՀ կառավարության 30.12.2010թ. թիվ 1775-Ն որոշման ըստ ՀՀ կառավարությանն առընթեր անշարժ գույքի կադաստրի պետական կոմիտեի կողմից ստացված անշարժ գույքի և դրա նկատմամբ գրանցված իրավունքների վերաբերյալ տեղեկությունների քաղաքացի Ալլա Զաքարյանի /հասցե՝ ք. Երևան, Նալբանդյան փողոց 29 շենք 48 բնակարան/ կողմից 13.05.2015թ. օտարվել է ք. Երևան, Կոմիտասի պողոտա 32 շենքի թիվ 59 հասցեում գտնվող հասարակական նշանակության անշարժ գույքը, որի պայմանագրի գումարը կազմել է 62.241.500 ՀՀ դրամ, իսկ կադաստրային արժեքը կազմել է 6.628.176 ՀՀ դրամ:

Համաձայն <<Ավելացված արժեքի հարկի մասին>> ՀՀ օրենքի 6-րդ հոդվածի 1-ին կետի՝ քաղաքացի Ալլա Զաքարյանի կողմից իրականացված գործարքը համարվում է ԱԱՀ-ով հարկվող գործարք:

Համաձայն <<Ավելացված արժեքի հարկի մասին>> ՀՀ օրենքի 33-րդ հոդվածի՝ քաղաքացի Ալլա Զաքարյանի կողմից չի հաշվարկվել ԱԱՀ-ի գումարը և ՀՀ կառավարությանն առընթեր պետական եկամուտների կոմիտեի Կենտրոնի հարկային տեսչություն չի ներկայացվել 2015թ. 2-րդ եռամսյակի ԱԱՀ-ի հաշվարկը:

ՀՀ կառավարությանն առընթեր պետական եկամուտների կոմիտեի Կենտրոնի հարկային տեսչության կողմից կատարված ժամկետանց հարկային պարտավորությունների մասին հաշվարկի համաձայն՝ ԱԱՀ-ի գծով քաղաքացի Ալլա Զաքարյանի չկատարված հարկային պարտավորությունը 08.07.2016թ. դրությամբ կազմել է 1.606.862 դրամ, որից ապառք 648.713 դրամ, տույժ 309.436 դրամ, տուգանք 648.713 դրամ:

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ քաղաքացի Ալլա Զաքարյանի չկատարված հարկային պարտավորությունները գանձելու վերաբերյալ՝ <<Հարկերի մասին>> ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 21.07.2016թ. քաղաքացի Ալլա Զաքարյանը պատշաճ կերպով ծանուցվել է, ներկայացրել է դիմում, որում տվել է իր բացատրությունները:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր և տուգանքներ:

<<Հարկերի մասին>> ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն <<Հայաստանի Հանրապետության 2016 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային,

պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման: Վերոգրյալի հիման վրա, ղեկավարվելով <<Հարկերի մասին>> ՀՀ օրենքի 29.1 հոդվածով, <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Քաղաքացի Ալլա Զաքարյանից գանձել 1.606.862 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ արդարադատության նախարարության դատական ակտերի հարկադիր կատարման ծառայություն:
3. Որոշման օրինակը եռօրյա ժամկետում ուղարկել /ֆիզ. անձին կամ/ հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին կամ վերադաս վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ստացա որոշման օրինակը

Աստղաղբյուր

հարկ վճարողի կամ ֆիզ. անձի՝ դաշտ անձի անուն և գրանցում

ամսաթիվ

Կատ. առաջատար մասնագետ
Ժենյա Նազարյան հեռ. 060 54-42-78